



21. jan. 10

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

1. **Naartuersittartut 900-it missaaniittut ukiumut qanoq annertutigisunik inuttut aningaasarsiaqarnersut nalunaarsorneqartarnerlutik?**
2. **Maniitsumi nartulernaveersaarnissamut periuserineqartoq nunatta sinnerani atulersinneqassava?**
 - a. **qaqugu atulerneqassava?**

(Inatsisartuni ilaasorta, Malik Berthelsen, Siumut)

Tungavilersuut:

Naartuersittartut qanoq aningaasarsiaqartiginerat nalunaarsorneqartarsimappat, Inatsisartuni Ilaasortatut pappiaqatigut takussutissamik uppernarsaatissalimmik, oqaasiinnaanngitsumik pinissara kissaatigaara.

Paarisap/Inuunerittap suliniutaasa ilagaat ukioq 2012-mi naartuersittartut affaannangorsimanissaat. Ullumikkullu ukiut marluinnangorput naartuersittartullu suli ikiliartoratik. Naalakkersuisut naartuersittarnerup annikillisarmissaanut akiliisitsisalernissaq aqqutissaanngitsutut oqaatigereerpaat, Maniitsumilu periuserineqartoq nunatta sinnerani atuutilersinneqarnissaa neriorsuutigalugu. Taamaattumik paaserusukkaluarpara Maniitsumi periuserineqartoq qaqugumiit nunatta sinnerani atulerneqarniarnersoq ilumullu peqqinnissaqarfimmi sulisunit nukissaqarfigneqarnersoq?